

# გაბრუნები


№ 25.

-სადაბური

ყოველ-კვირული იუმორ. ჟურნალი.

ლიწოვჩაძე ს. ბიხოვისა.

## ღუმის სესიის დასასრული.



შ ე კ ი თ ხ ე ა.

მზე ამობრწყინდა, გაშალა სხივნი,  
ვით მოციმციმე, ბრჭყვიალა მძივნი,  
ტყე-მინდორ-ველსა,  
მთა-გორა-სერსა

ლამაზ გულ-მკერდზე გადააქსოვა  
და მსწრაფლ გააქრო წყვილიადის გროვა  
გათენდა დილა,  
ვიშ, როგორ გრილა!

ნიავე დაქრის, არხევს ბუჩქნარებს  
და ძირს ყრის ციურ მარგალიტ ცვარებს.  
ხარობს ცხოველი  
არსი ყოველი,

სალამს უძღვნის მზეს, სინათლის წყაროს,  
რომელიც მართავს მთელსა სამყაროს.  
მე კი წყაროსთან,  
მოწანწკარესთან,

ვდგევარ და შეეცქერ მნათობს დიდებულს,  
ლაყვარდ სივრცეში გადმოკიდებულს,  
და იმის გულზე,  
ცეცხლათ ქცეულზე

კვიახულობ ცხადათ, წითლათ წარწერილს  
კაცობრიობის ჯაჯვას გამოვლილს.  
და ვეკითხები:

ნათუ მსხვერპლები,  
რაც რომ შევსწირეთ, არ კმარა, არა  
კვლავ ბევრ მსხვერპლს ითხოვს ქვეყნის იარა?!  
ვ. რუხაძე.

მუიერი და მაკლარი

(საზაფხულო საკითხავი პარტეფელი ინტელიგენტებისათვის)

ბურჯუა გაძღა ლაზათიანათ:  
სუკი შექაპა (საწებლიანათ),  
ბატკნისა კანჭი ერთი მთლიანათ,  
ორი ვარია,  
(ორივე ძელიანათ)  
და მხიარული სამართლიანათ,  
რაკი საქმლისა  
წაუხდა მადა  
დასასვენებლათ გამოემზადა.

გამოუთქმელის, კაცისა ენით,  
წამოწვა იგი  
ოხვრით და ქშენით,  
რბილ სავარძელზე  
და არა ძელზე.  
ტკბილისა რულის მოსავლინებლათ,  
გაზეთი იგდო რალაცა, ხელათ  
და მოწინავე

(ნაწერი ვრცელად,  
წაუკითხავი ჯერ მისგან მთელად),  
ახლო, თუ შორა,  
თვალს გაუსწორა.

იმწამსვე, კითხვით თვალ მოკვეთილი,  
ჩვენი ბურჯუა,  
ვანცხრომის შვილი,  
ოცნების მხარეს გადაგვიფრინდა,  
უცხო მუსიკით აგვიხვიხვინდა.

მუნ ბნედიანი და კუქ-მშიერი.  
ბუზი უქკუო,  
ბუზი ცბიერი,  
ბუზი მსჯნავი და ხალხის მტერი  
ოთახის კედლებს ელევებოდა,  
განგებას საზრდოს ეხვეწებოდა.  
მაგრამ საკბილო  
არა რა სჩანდა...  
(ტკბილეულობის წახდა მაზანდა,  
თორემ ის ბუზიც  
გულს მოიფხანდა!)

მაგრამ როდესაც მას შემოაგება,  
მძინარე კაცის  
უდარდელი ხმა,  
მორიდებულათ გაუნავარდა,  
ფეხზე დააჯდა...  
თავთან ავარდა...  
(ოჰ, რომ იცოდეთ რა გაუხარდა!  
შიმშილის გრძნობაც გადაუვარდა,  
სჩანს იგი კაცი ძლიერ უყვარდა!)  
და საარაკო სითამამითა,  
შესასვენებლათ, ორი წამითა,  
მშიერმა ბუზმა  
შესწყვიტა ფრენა,  
მძინარის ცხვირზე ჩამოისვენა.

ცხვირი კი, ზორბათ წამომართული,  
(ვითარცა სახლის  
ზემო სართული)  
მუსიკაშია იყო ვართული,  
და ძილის პირი, ტკბილი, ქართული  
ათასნაირად  
გადახლართული,  
მუნითგან მწყობრათ აღმოხდებოდა.  
ბუზმაც გაიგო  
აქ რა ხდებოდა.

მსწრაფლ გაისწორა ფრთეთა ნაქერი,  
წამომიარჯვა ხორთუბის წვერი,  
მონახა მილი

მან შესაფერი  
წყარო ქონისა, წითლად ნაფერი...  
და იწყო წოვა...  
საზრდო იშოვა.

ბურჯუა გახლდათ  
მრჩობო მგრძობიარე,  
და, თუმც, სიზმართა ტკბილთ მშობიარე,  
არაფერს გრძობდა  
ამა ქვეყნიურს,

და განიცდიდა სიამეს ციურს,  
მაინც, ბუზისგან შენაწუხები,  
კვლავ ერთხელ  
ჰანგებ დანაქუხები  
ზე წამოიქრა,  
ცხვირს ხელი იკრა,  
მაგრამა ბუზი, ეგ მუქთა-ხორა,  
უცებ აფრინდა,  
გაუდგა შორა.

ბურჯუამ ისევ  
მინაბა თვალი,  
რა დაისრისა ხორთუმის კვალი.

ბუზმაც ძვირფასი  
დრო არ დაჰკარგა  
და ახლა ყურზე ჩამოებარგა.

გამოელვიდა კვალიად მძინარეს,  
და არა ძველებრ  
პირ მოციინარეს,  
არამედ, ვითა დათვისა მძინეარეს.  
და შეუტია აბეზარ მტერსა  
კაცმა მძღარმა,  
მშიერსა მწერსა.  
წამოჰკრა ხელი მას დასაქირათ,  
მაგრამა, თურმე,  
სტოლისა პირათ  
საათი იღო, ძვირფასდებული,  
და ხელით, შორე გადაგდებული  
ნამტერეცათ დახვდა  
პატრონს ქცეული.


ამან ბურჯუა მთლად გადარია!  
უნდა, იყაროს  
ბუზზე ჯაერია,  
უნდა, იძიოს წუნკალზე შური,  
უნდა, დაიცხროს  
ბრძოლის აღმური;  
და აი, ურცხვად ლამაზზე მჯდომარს  
დაუცხრომელსა,  
მშიერ მეომარს  
შორიდან ზვერაეს და ეპარება,

ხან სკამს, ხან კამოდს  
მოეფარება.  
ოდეს შეზომა მანძილი ხელის  
დაუყოვნებლივ, უსწრაფეს ელვის,  
მოხერხებულათ გამოჰკრა ტორი  
და იატაკზე ნავთისა ტბორი  
უეცრივ დადგა მდინარის სწორი.  
ბუზი გაფრინდა, ვითარცა ქორი,  
არ მოეწონა ნავთისა შპორი...

გაშმაგებული ბურჯუა ჩვენნი,  
(მოხერხებისა ვერ გამომჩენი)  
ყოფიანივით თვალთ აბრიალებს,  
წაღმა-უკულმა დარბის, ტრიალებს.  
დრო მოვა მტერსაც გაატიალებს  
კედლის სარკეზე შენიშნა იგი,  
და როგორც ითხოვს წესი და 'რიგი  
მან პირსახოცსა დასტაცა ხელი,  
წამოებარა, ვითარცა გველი,  
შხამით აღსავსე, დაუნდობელი  
და მოუქნია  
მწერს პირსახოცი,  
მაგრამა, საქმე აქ გასაოცი  
დაატყდა თავზე მეომარს რაძღარს  
მარცხი გადასცდა  
ყოველგვარ საზღვარს:  
სარკე ჩამოწყდა,  
სტოლს დაეხეთქა,  
სტოლზე მეღნისა ბოთლმა იფეთქა  
და დააბნელა ოთახის ზღუდე  
სარკეც დაიმტვრა გადმონაყუდე.

ომში ძღვეული,  
ბრაზ-მოორეული  
წახდა ბურჯუა.  
დაჰკარგა ქკუა.  
მშიერი ბუზი კვლავ თავს დაბუზის.

ნეტავ ამ ორში რომელი, სტყუის?  
ეშმაკი.



# სტუმარი მოდის!



ბოლერა, სანიტარებო აღსდევით!

### მ ა ტ ი

(ნ.დსონით).

დღე, შენი ქნარი ცეცხლს აფრქვევდეს,  
 სიმართლის ცრემლით ჰდაგავდეს სულსა,  
 ესაკმევდოს კეთილ სურვილებს  
 და ტუბილ სამშობლოს წრფელ სიყვარულსა!  
 დღე, ყოველი ხმით წინ გვიწოდებდეს,  
 ბრძოლაში მოღლილთ იმედათ ექცეს,  
 გულ გაპობილი გვირგვინით ამკოს  
 და შეაჩვენოს ვინც მტერს გაექცეს.  
 დღე, წინ გვიძოდეს ცხარე ბრძოლაში  
 და ჩვენთან ერთად ქუხდეს და სქექდეს,  
 როს მებრძოლთ ხმალი ქეშპარიტებას  
 ქვეყნად იწვევდეს, შეე ჩადრს აფხრწედეს.  
 ის ჩვენის გვერდით სალ კლდეთ გადიქცეს,  
 ბნელეთის ქურუმთ თავს დასცეს რეტი.  
 ჩვენც მუხლს მოვიყრით მაშინ შენს წინა  
 და თრთოლვით გეტყვიოთ: „შენ ხარ პოეტი!“..

შენი სიმღერა, ვით ნაკადული  
 მოდუღუნებდეს მხიბლავ ზვირთებით,  
 ჩქეფდეს იმედით და მტკიცე ძალით,  
 მოაქროლებდეს ტუბილ ღიმილს ფრთებით ..  
 დღე, გაგვარინდოს ციურმა ხმებმა,  
 გადაგვატაროს ოცნების მხარეს,  
 სადაც ვერ ვხედავთ მწარე ცრემლი დენას,  
 ტირილს, სისხლით ცლას და სიმწუხარეს;  
 სად სიყვარული სილამაზებითან  
 ტახტზე დამუჯდარა, შეგების მომგვრელი,  
 დღე, გული ატკბოს იქ უზრუნველათ  
 და დაგვაფიყოს აწმყა შევ-ბნელი...  
 ახალგაზრდობის დღენი გვაგონოს,  
 გულში აჩქეფოს გრძნობა უშრეტი  
 და ჩვენც ვაკურთხებთ მაშინ შენს კალამს  
 და თრთოლვით გეტყვიოთ: „შენ ხარ პოეტი“..

ვ. ზალაქიაშვილი.

## გურული სცენა.

(გასამართლება)

— კახილარი მყავდა დაპირული, მებოხელმა უჩივლა:  
 არ დამაყენა, არ მომსვენა აფერი სიტყვა არ გე  
 ვიდა, არ მომცა საშველს-ახილდებელიო—ჩემი ხელით დასა-  
 ჩობია, მარა მეც ქე გამომიცდია ბაღნობა და რას იხამ, კი  
 რომ გლახა იყოს, მაინც ჩემი შვილია, ვინ გამომიცვლის.  
 მითხრეს: კი აღუკატი თვ.რ იშონე, ციმბირს აქეთ  
 არ დატიებენ, კატორღაში გააგზავნიანო. შვილი ვის არ იე-  
 წობა, შე კიდევ მე ვარ, კაცი ვარ მაინც და დედა მისმა  
 თლა მეიკლა თავი, ძროხა და ცალი ხარი გავკიდე, ორი  
 ქცევა მიწა დავაგირავე და ჩამევედი თფილისში, აქანაი მი-  
 რიეს, კისაგან კი აღუკატებია და არც ისე გაიმასქნილი  
 არიან, ქუთაისში რომააო, ჩამევედი, აქანაი მესოხელი მყავს,

იმაზე მსახურებს უხაროთ და უცხენოთ ულიცაში რომ დატი-  
 ანობს. წამევიღე შინიდან მისი ანდერძი, ვნახე, ჩემი გატიე-  
 რება უთხარი—იგი თფილის ქალაქში ძალიანი მიღებულ  
 კაცია, ვინც დაჯდება კონკაში, უმისოთ ბანდალს ვერ იხამს.  
 ბილეთიც მან უნდა მუხუზოს და სვისტოკიც მან უნდა მის-  
 ცეს; ქვეყანას იცნობს.

— ძალიანი კაიო, მითხრა, აღუკანტს ერთს კი არა,  
 თუ გინდა ასს გიშინო. მითხრა—ამელამ ჩემთან წამოი  
 ტრიატში, განდგილის გასამართლებათო. უყურე აღუკატებს  
 იქინეი იქნება თავმოყრილი, კართულათ ილაპარაკებენ და  
 რომელიც მოგეწონოს, იგი ვირჩიეო. გასამართლება კი გა-  
 მიგონია, მარა სულში და კანცელარიაზე, ტრიატში თუ იქ-  
 ნებოდა, აგი არ მგონებია—მარა ხამობა არ შევიფერე—წე-  
 ვდით სალამოს. ქვეყანას იქინეი მოეყარა თავი, ჩვენი ქვე-  
 ყნის ბეგრი ვნახე—იხადა ავი ოკრუენი სულაო, აგი პრო-  
 ურ ორგებიაო, აგი აღუკატებიაო, აგინი ნაფიცი მსაჯულე-  
 ბიაო.

ოკრუენი სულში ჩემი მებოხელი ამბაკოს შვილიც ქე  
 ვერა, გრიგოლი, ძალიანი დაწინაურებულა, ჩინელობა თუ  
 იშონა მეთქი, გულში ვთქვი. ვგერ ერთ კუთხეში ერთი ბე-  
 რი იჯდა, შემოქმედის მონასტრის ბერს გავდა თლათ. თუ-  
 რამე აგი ბერი ქვეყნის დამაქციეციც კია და ქვეყნს გაპაქე-  
 თებელი—ასე თქვეს ნატავლმა კაცებმა და მე რა ვიცი.  
 დეიწყო პრესდატემა:—ამ ბერმა, ამ განდგილმაო, ქვეყანა  
 მიატიაო, საცხა გაყინულ ფთაში საყორნიაზე წვევიდაო, იქინე  
 ქექა ქუხილი ატყდაო, ერთი ქალი ცხვარს აბალახებდაო,  
 გურგულაის შეეშინა და ბერთან მივიდა დამის გასათევათო.  
 ქალი ძალიან ლამაზი იყოო; რომ დივიძინა, ბერს შეგხარბა,  
 გულში ეშმაკმა გუუხიციანაო და ქალის კონა დააპირა, მა-  
 რა ქე შამეიკავა თავიო, აღარ უკონიაო.—აგი ისე ეწყინა,  
 რომ ქე მოკტა და ახლა აგი უნდა გავსამართლოთო. მუნ-  
 ჯათ კი იყო იგი ბერი დამჯდარი, მარა მკტარი არ მგონია  
 რომ ყოფილიყო. აგი კი ვამიკვირდა: კეტარს რუსის მთავ-  
 რომბა არ სჯის და აგინს რაფერ დეიმართა აგი, ნაბრძანები  
 თუ არ ქონდენ. წამოდგა ერთი ახალგაზრდა აღუკანტი, ერ-  
 თი კედრიდგან გამტყუნა, მარა რაფერ გამტყუნა. საწყა-  
 ლი ბერი რაცხა ასი კეტარი იყოო, ქვეყანა არ უყვარდაო,  
 მიატიაო, რეიხა იმ ლამაზ გოგოს არ აკოცაო; კიდევ ბეგრი  
 ილაპარაკა, მარა ყველაი ვერ მივითი—ჩემს მებოხელს უთხა-  
 რი, აგია გავკეთი კაცი, ჩემი ვარლამიხა, ამის უკეთეს  
 აღუკატს ვის ვიშინი მეთქი. იმიხა თუ არ გამტყუნა იგი  
 ბერი, ჩემს ვარლამს რაღა უტირს აწი მეთქი.

იგი რომ გაჩუმდა, მერე მორეე წამოდგა, იმანაც დეი-  
 წყო რაცხა ლაპარაკი, სალაპარაკო რომ დივილია, რაცხა კი-  
 თხევა დეიწყო, მარა ნამეტარი ნასტავლი ყოფილა ვინცხა,  
 ზაგრანიცაში გუუთავებია სტავლა. ისე ჩქარა კითხულობდა,  
 გატენებული კურიერსკი პოეზიდი ვერ მიეწეოდა. მისი სწო-  
 რეფ ვეფერი გვიგე რა თქვა, მარა რაცხას იგიც ამტყუ-  
 ნებდა. რა ვიცი, იქნება იგი იმამო ამტყუნებდა, რეიხა გერ-  
 გინი არ იფსენა იმ ქალზეო. მერე წამოდგა აქედგან ერთი  
 მალალი აღუკანტი, იმ კეტარ ბერს ყვდა ნაჭირავები. ჩვენი  
 ბერი ნამეტარი კი ბერი იყოო, აფერი გასამტყუნარი არ  
 აქ—არ შეიძლო სოფელში ყოფნა და არ მეიკადაო. სხვის  
 გაკეთებულ სატყელს ხომ ვერ ჰამდაო. იმან რომ გაათავა,  
 მერე მორეე ჯიკვატაი აღუკატი წამოდგა—რაცხა კი ყოფილა  
 აგი ბერი მტყუნანი, თვარა ორი აღუკატი რათ უნდოდა. ამ  
 მეორემ ძალიანი ილაპარაკა, ბეგრი გვაკინა. ჯიკვოც კი გა-  
 მხსენა—ვინცხა ძალიან მხიარული კაცია, მარა ვარლამიხა  
 არ მარგია და ისე, კიციი თუ გავთხებე, ტოლუბაშათ და-  
 ვაიჯებ, ნამეტარი კი იქნება.

იმის იგი ძალიანი მომეწონა, სოფელში ყოფნას და შპიონობას, ან სტრანეიკობას ბერობა ჯობსო, თქვა. მოგიწერე ხელი ბერობა არა მგელობა ჯობს. ბოლოს ნაფიც სუდიებს კითხეს: თქვენ რას იტყვითო; გვეიდენ ცალკე თთახში გამევიდენ და ერთმა გამოაჯხადა: მტკუნანიკ არის და მართალიყო. არც ციხე მუსჯიან და არც აფერი. ნეტაი ჩემი ვარლამიეს საქმესაც აგინს გავარჩევიებდენ!

მერე რაცხა იმისთანაი წარმოადგინეს, სხვაი სიცილით კტებოდა, მე კეკალი გული რომეტიკვა. ანფერი თუ არიან ჩენი სუტენტები—მამა ნუ წამიწყტება ამ სუტენტობას ისევე ლე ბერობა ჯობნენია. აწი აგი კეტარი ბეტი არ გიგსაპართლებიენ, საცხა მი და აგლია ფთაში, აგი სუტენტები გიგსამართლებიენ და ასასი როზვი დიგრტყენ, იგი არ ჯობდა, მარა დაზოგეს. შარშან იგინიკ ისე იქნებოდენ. დედავ, წავახთი, ზანქოის თამაშობის მეტს თუ აფერს აკეთებდენ, ამის უნიგნტრტი ექვთიმე ჩხატარაიშვილის წისკვილში აქვენ გააქ თუღი უაჯღარკეს... მუნა პეტრეზულში რეზა მიღლიან, აგერ მევიდენ შემოკმდში.

პიტნა.

### ფირხის გულისთვის

I

გოგია მემერთი ასენა,  
 ურემს შეუბა ხარები,  
 სანამდის გათენდებოდა  
 გადაათავა ყანები.  
 ხან გარდასძახებს: ხარებო,  
 გასწიეთ გენაცვალეო,  
 ხან ნაღვლიანათ ლიღინებს:  
 როდელა-დელა ლალეო,  
 მომძულდა მწარე ცხოვრება,  
 მოვდუნდი მოვიღალეო,  
 რას ვაქნევ ნეტავ სიკოცხლეს  
 თუ ვეღარ გავიხარეო...  
 ტყე მე არა მაქვს, მამული  
 ერთი ნამცეცი მიწაო,  
 მუქთა ხორების ხელშია,  
 რაღაც ეშმაკმა მისცაო...  
 თოფით უდვიან კარებში  
 და რომ მოგასწრონ ფიჩხზეო,  
 ღმერთსაც არ მოგახმარებენ  
 ზე აგავებენ ხიშტზეო.  
 ქირიმე ცხრაას ხუთი წლის  
 მალამო იყო წყლულისო,  
 თუ დაბრუნდება ნეტავი  
 იმედი დაჩაგრულისო?  
 ჰეი, შუე ლომავ, ტიგურავ,  
 ვიჩქაროთ გენაცვალეო...  
 ჯერ ეძინება მცველებსა  
 ჩვენ გამოვიდეთ მალეო...  
 ესა სთქვა, შოლტი გადაჰკრა,  
 ხარებმაც აუჩქარესა...  
 მზემ ნისკარტი ჰკრა, ურემიკ  
 შავს ტყეში შეატარესა.

II


სამების მთისა კენწეროს  
 მზემ სხივი გადმოაყარა,  
 აემიარულდენ ფრინველნი,  
 დაჰკრეს ბუკი და ნლარა .  
 კვლავ ახმაურდა სოფელი  
 შეება შრომის უღელში,  
 გოგიას სახლშიც, ქალიას  
 ცეცხლი უნთია ღუმელში.  
 ყველს იღებს, ქათმებს უქშიებს,  
 ცალ ფეხით არწვეს აკანსა.  
 თან დალიღინებს ჰატარას  
 ალერსიანათ ნანასა:  
 მიძინე, ღმერთი დაგაცლის,  
 ნანინა შეილო ნანაო,  
 ღვთის მშობლის თვალი  
 დაგყურებს  
 ანგელოზებიც თანაო,  
 ტანჯული დედის ძუძუს რძით  
 ჯერ კიდევ ინეტარეო,  
 წამოიზრდები, გაიგებ  
 რა ღლე გვაღვია მწარეო,  
 ერთხელ იქნება, ვინ იცის,  
 ბედმა იბრუნოს პირიო,  
 კარგს დროს მოესწრო, აგშორეს  
 ჩვენსავით ტანჯვა, ქირიო,  
 საცაა მოვა მამარც,  
 აღიას მოავოგვებსო,  
 დაგსვამს ჰრიალა ურემზე  
 მთელ ეზოს მოგალოდებსო.  
 კიდევაც ჩაგძინებია,  
 შენ გენაცვალოს დედაო,  
 ფურცელსაც ცვარი შეაშრა  
 ყაჯებსა მიუხედაო.“

III

მზემ აიწია, ასიცხდა  
 აღარ ჰაქანებს ბორია,  
 გზის პირად ჩრდილში დამსხდარა  
 დაღლილი მგზავრი ორია:  
 —იცი, ესიკავ, ამ დილას  
 გოგია ძვალ ტყავაძესა,  
 თურმე ფიჩხიზა წასულა  
 მარა გაბმულა მახესა.  
 უღმერთო, ტყისა მცველები  
 წამოსწევინა გზაზედა,  
 ტიგურა ხარი რომ ჰყავდა  
 ტყვია მოურტყავთ თავზედა.  
 გაცოფებულსა გოგიას  
 ხელი გაუსვამს წალღზედა,  
 ისე დაუკრავს ერთისთვის  
 ტყვინი დაუსხამს ქვაზედა...  
 —ვაიმე ქმარო, ოჯახო,  
 ქალმა იკვილა ხეზედა,

მიცვივდენ მგზავნი, ქალია  
 სულსა ლევს სარის წვერზედა...  
 გვიშველეთ, მორთეს ღრილი,  
 მოაქეთ წამალი და წყალი,  
 ექიმიც, მაგრამ აღარა,  
 ის მკედარი დახვდათ საწყალი...  
 პეტრემ შებღაულა, ესიკა:  
 „ჩვენ წვერწყმიდეთ სულიო,  
 ვინ იფიქრებდა ბოლოს ჩხოტდა  
 საბრალო, დამალულიო.“

შხანკოლბ.



### ორი ეშმაკი.

**პ. ეშმაკი.** გაიგებდი, როგორ გათავდა შავი ქვის მრეწველთა სიეზი?

**მ. ეშმაკი.** Ну... еще ты! ბაშბა კი არ მქონია ყურში. შენ გგონია მე საქვეყნო პოლიტიკას თვალს არ ვადევნებ? მეორეთ არ გაბედო მაგისტანა, თვარა ან შენ და ან მე.

**პ. ეშმაკი.** კარგი, კარგი, სული ნუ წავიწყდება! შენ რალაც ჩხუბის გუნებაზე ხარ? ამირაჯიბისაგან ხომ არ შეგისწავლია კისრის გაკიცხვა და საფეთქლებში შენიშვნა?

**მ. ეშმაკი.** კაი, იკმარე ლათაიები! რაზე შეკითხებოდი?

**პ. ეშმაკი.** რაზე და მრეწველთა სიეზზე!

**მ. ეშმაკი.** ჰოო! გეიტანა, ძმაო, ბურთი ლელოში ზდანოვიჩმა?

**პ. ეშმაკი.** არა, ერთი ესეც მითხარი: როგორ

უყურებ შენ ზდანოვიჩის საქციელს?.. სიეზდამდე იძახოდა: თავს ვანებებ თამჯდომარეობას, არაფრის გულისხმავის არ დავერჩებო, ახლა კი ასე მოიქცა.

**მ. ეშმაკი.** ეო, უი, ბიძიკელა! განა პირველათ იქცევა ასე გიორგი ფელიქსოვიჩი? ეს ხომ საარჩევნო ქამანდია?

**პ. ეშმაკი.** მინც რაც უნდა იყოს, „სოციალისტ“ კაცს აგი არ შეფერის, ბურჟუამ რო ქნას კიდო ხო...

**მ. ეშმაკი.** შენც მოგცლია ერთი! Тоже... ხომ იცი ერთნაირი ქული როა: წინ ზრასტი, უკან პრამჩაი. ასეა ფელიქსოვიჩიც: ერთის მხრით „სოციალისტია“ და მეორე მხრით ბურჟუა.

**პ. ეშმაკი.** მერე ეს ორი ცნება ერთმანეთში მოთავსდება?

**მ. ეშმაკი.** ეს კითხე ჩვენს „უკუქო“ ინტელიგენციას.

**პ. ეშმაკი.** ვინაა ეს უკუქო ინტელიგენცია?

**მ. ეშმაკი.** ყველა ზდანოვიჩოლები.

**პ. ეშმაკი.** კაცო, ისინი რო უკუქონი იყენენ, სიეზი ჯამაგირსაც არ მიუმატებდა. შარშან წინ დააკლეს, წელს კი მიუმატეს.

**მ. ეშმაკი.** ნუ თუ არ იცი პრინციპი: მაამებ მეტს მოგცემ, მაწყენინებ ნაკლებს.

**პ. ეშმაკი.** ამ ღიღებს რო მოუმატეს ჯამაგირი, წვრილმა მოსამსახურეებმა რა აწყენინეს „ხაზენებს“?

**მ. ეშმაკი.** ისა, რომ... ხომ იცი აკაკის ვაღმონაკეთები არაკის ერთი ადგილი: „შენი ჩაკვრება რო მინდა, მიზეზათ ისიც კმარა“.

**პ. ეშმაკი.** ჰმ! საღ ყოფილა ჯოლორის თავი-მამ ქეიფობს ფელიქსოვიჩი, ა?

**მ. ეშმაკი.** ქერში ისერი ქუდსო. ჯერ ქუთაისში ჩაუბუქნა და შემდეგ ქიათურაში.

**პ. ეშმაკი.** ერთ რამეს კიდევ გკითხავ და არ გეწყინოს თუ ძმობა გწამს.

**მ. ეშმაკი.** ბატონი ბრძანდები.

**პ. ეშმაკი.** ერთი ეს ამიხსენი: როცა ზდანოვიჩს უსმენ, ან მის ეხლანდელ ნაწერს კითხულობ, არ შეგიძლია არა სთქვა, რომ ამ ადამიანში რალაც რევოლიუციონური სული არ ტრიალობს... ტერმინები, სიტყვები, მოქცევა, პასუხი..

**მ. ეშმაკი.** Эхъ, братъ! это остатки былого величия и только.

**პ. ეშმაკი.** (პენიმიხტურათ) არც ისე წიინდა ყოფილა ქვეყანა, მე რო მეგონა.

ეშმაკუნა.

✱ შ ა რ ა დ ა .

ნეტავი რა დროს შარადა,  
ან რა დროს გამოცანაა?  
ზაფხულის ბუღში ვიხრჩვებით,  
ჯოჯოხეთური ხანაა!  
მაგრამ რას იზამ, ასეა,  
ბედი უბედო პირების:  
ასრულდება საქირო  
წინასწარ დანაპირების!

თუ საღმრთო სჯული არ იცით,  
ხათაბალა და ქირია,  
ძე ლეთისა იშვა იმაში,  
რისი სახელიც გვქირია...  
სასტუმროები, ხომ გახსოვთ,  
სხვებს ჰქონდათ დანაქირია,  
და იოსებმა მონახა  
ბეთლემის განაპირია.  
სავანი ამა სახელის  
არც ჩვენში გახლავს ძვირია,  
ხშირად გვიბია იმასთან:  
ძროხა, ცხენი, თუ ვირია,  
მაგრამ მას წინა ანბანი  
ღიანაც არა სქირია.  
და მოაშორეთ, თუ კი ეს  
არ დარჩეს გასაქირია.

ახლა მეორე სახელის  
გემართებს ძებნა და ძიება...  
თუ შენ რაიმე საქმეზე  
გქონია გამოძიება,  
სულში ყოფილხარ, ვერ ნახე,  
სწორეთ არ გეაბტიება.  
ერთგვარი სამოსელია  
ის, კალთებ ჩამოკვეცილნი  
აბლაკატები იცვამენ,  
ანუ ნაფიცნი. ვექილნი,  
სხვა და სხვა ხრიკოსნობაში  
ნაწრთობნი, გამოქექილნი.

არც ამა სიტყვას სქირია  
ანბანი წინა მდებარე  
და კვლავ გეძლევათ შემთხვევა:  
მოპკლათ სურვილი მგზნებარე,  
აღმართოთ ხელი, კალაში  
წამოიმარჯვოთ მდებარე,  
წაშალოთ იგი ანბანი  
არაფრის არა მრგებარე.

შემდეგ კი ამა სიტყვების  
ერთ-ერთზე გმართებს მიწყობა  
და გამოცანაც მზათაა:  
ის სწორეთ მაშინ იწყობა,  
როცა მზე თავზე დაგვაქერს  
სიცხით ქვეყანა იწობა.

როცა არა ღირს ბარშიგან  
არც ლხინი, არცა ფნიწობა  
როცა ჰაერში ბული დგას,  
მიწას წაუხდეს მიწობა,  
როცა მოღუნდეს არსება,  
ძარღვებს წაუხდეს წიწობა,  
მაშინ დაიწყოს ყოველმან  
საქმისა შეკოწიწობა,  
მსწრაფლ მოაგონდეს ეგ სიტყვა,  
გაუქრეს გულმავეიწყობა.  
ვერ გამოცნობა შარადის,  
ეს იქნებოდა ბრიყვობა.

კოლო.

### დექტორი მატრაკვეცაძე

„დასწყევლოს ღმერთმა! რაზე აქნობამდე არ  
მომაგონდა ეს გარემოება! სულელი ვარ, ფულის სა-  
შოგნი ყველა წყარო დამიშრა მეგონა! ტფუ!“ სთქვა  
თავის უკმაყოფილო მატრაკვეცაძემ და ზეზე წამო-  
იქრა: „ლექცია, ლექცია! როგორ არ მომაგონდა  
ეს რჯულ ძაღლი, ახლობამე! მეკითხა მე უბედურს  
უფრო ადრე, რაზე დევაგვიანე; ხო ორ ნაირ სარ-  
გებლობას მოვიტანდი: ერთი რომ ხალხს განვავი-  
თარებდი და მეორე ჩემს ჯიბესაც გავიკვლეებდი...  
ლექრი და საქმე ერთი იყო. მატრაკვეცაძე ხე-  
ლათ მოუჯდა მაგიდას, შუბლზე თითი მიიბჯინა, მა-  
რცხენა ხელით კი წვერებს დაუწყო ვარცხნა. ულ-  
ვაშებზე რო შეხედავდი, ასე გეგონებოდათ ამ კაცს  
მერცხალი გადუყლაპავს და ფრთები კარში დარჩე-  
ნიაო.

„რაზე დავსწერო ლექცია, ა? რა ტემაზე? რო  
არ მოდის ეს ოხერი?

ღიდახანს იყო მატრაკვეცაძე ამ ტრადიკულ კი-  
თხის წინაშე კომიკურათ მოკაული, მარა მინც  
არ მოფრინდა ტემა, არ სჩანს ზეშთაგონება.

„ვერიკა“, უცებ შებღავლა და ერთი ისეთი  
შეკვინტრიშდა, როგორც ახალ გამოშვებული ხბო.  
მაშინვე კალაში მელანში ამოაცურა და ლამაზად  
დასწერა „ცხორება, როგორც ასეთი“.

„ღიდახ, ესაა ჩემი ტემა. ახლა მასალეგია საქი-  
რო! ვისა აქვს ამაზე რაიმე გამოკვლევა...ა? რო  
არ ვიცი... დასწყევლოს ღმერთმა, „ღმერთო მო-  
მაგონე“... აქაც ბევრი იფრქვა (უკაცრავად იფრქვა)  
მატრაკვეცაძემ, მარა სამუდამოთ დაეხმო ზეშთაგო-  
ნების კარები; გაქრა მესხიერება. მატრაკვეცაძე მუ-  
დამ ქვეიანად იქცეოდა! თავის სიცოცხლეში არც  
ერთი წიგნის უკანასკნელი გვერდი არ წაუკითხავს.  
მან ყველა წიგნის სახელი იცოდა, ავტორის ვინა-  
ობას და მოკლე ბიოგრაფიას ხელათ გეტყოდა, და  
მოჩნა. ხოლო რაც შეეხება თვითონ შინაარსს, ეს



რა საქირო იყო მატრაკვეცადისათვის, ისედაც იო-  
ლად მიდიოდა ავტორების სახელების ბრახა-ბრახით  
და მათი ცხოვრებიდან სხვა და სხვა ეპიზოდების  
კლდით. დიდხან იყო თავჩამოშვებული, ბოლოს  
მოვიგონა ნიკო ჩარხაძის წიგნი ამ საინტერესო სა-  
კითხზე.

— მაშ გაიჩარხა საქმე, მიდის ლექცია!!! მატრა-  
კვეცადე ვერ დამაგრდა სკამზე და ზეზე წამოიჭრა,  
საქორჩრეზე ქული მოიგდო და თავის გრძელი ფეხე-  
ბით ბაზრისაკენ გაეშურა.

— იცით, მე ლექციას ვსწორ, ლექციას! ლექტო-  
რი ვიქნები, იციან? გიგლა ერთი შენ ნიკო ჩარხა-  
ძის წიგნი მიშოვე სადმე, მინდა წავეითხო და გა-  
ვარჩიო, იცი? აბა მალე, მალე შენი ქირიმე!!!

სადამოზე ყველამ იცოდა, რომ მატრაკვე-  
ცადე ლექციას უჯდა და აცობდა... არც მოტყუე-  
ბულან. მატრაკვეცადე გაფაციცებით აფხაქუნებდა  
კალამს და შავათ აყამირებდა ქალაღდს. ერთი წი-  
ნადადება აქ მოიპარა, მეორე იქ, ერთი აზრი ივა-  
ნეს მოპარა, მეორე პეტრეს შეგაკოწიწა ერთმანეთს,  
შეხანხლა, შეადომხალა და ლექციაც გამოცხვა. შემ-  
დევ ერთი გახანორა, თათქარი გულით ლოგინზე  
გაწვა და მოყვა ოცნებას:

— ჩამოუვლი ყველა დაბა ქალაქებს დასავლეთ სა-  
ქართველოში, თითო ადგილას არა ნაკლებ ასი მა-  
ნეთისა შემომივა. სულ ცოტა რე ვსთქვა 2000 მა-  
ნეთს დავითრევე. ესეც კი საქმეა. მერეა და ხო გა-  
მწვევენ და გამბერავენ და ის იქნება. ნაცნობი ბევრი  
მყავს, რეცენზიას ყველა კარგს დამიწერს, რედაქ-  
ციებშიც მიცნობენ... თუ ამოუდექი რომაქიძეს გვე-  
რდში მე ვიქნეაი ბიჭი და... ა? მაშ, გამოიქიმება ჩე-  
მი გვარი აფიშებზე? იფ!.. იფ!.. ამ ლექციას მეორე  
უნდა მოვყავოლო, მესამე, მეოთხე. ტემბია საქი-  
რო... მალე მოვიგონებ ამასაც... მომითმინეთ ერთი  
კიდევ მოვიგონე „კოლონიალი“, რეგორც ისეთა“. ხე-  
ლათ წამოხტა და ეს სათაურიც დაიწერა.

მატრაკვეცადე ხალხშია. ჯიბებში ხელეები ჩაუ-  
რქვია და ტრიალებს, როგორც ლექტორის შეშვენის-  
ტანს კულბოძალა სერთუკი აცვია.

— იცით რა გითხრათ. დღეს ხუთი წერილი  
მივიღე ერთათ ჩვენი ახალგაზრდა პოეტებიდან. მწე-  
რენ გაგვარჩიეო და მეც უნდა საქმეს შევუდგე, ყვე-  
ლას გავანიავებ... ჯერ მოვრჩე ამ ლექციას და შე-  
მდეგ მე ვიცი... ბატონო, ჩვენს პოეტებს განვითა-  
რება აკლიათ, ხელმძღვანელი არა ყავთ... აი მავა-  
ლითად ავილოთ ერთი ვაუბატონი, თავისი თავის  
პოეტათ მალიარებელი... იცით ვინც მყავს სახეში,  
ჩვენი მეზობელია. რა უნდა დაწეროს იმან, ვის რა  
უნდა ასწავლოს? მე რა „კვალში“ მეთაურებს  
ვსწერდი. (ამ დროს ვილაკას დაახველა) ის სემინა-  
რიაში ანბანს სწავლობდა. ხო, რას უნდა მოველორა

დეთ ჩვენი ლიტერატურიდან ერთი მითხარით!!!

ყველანი გაკვირვებით უცქერენ მატრაკვეცადეს.  
ზოგს უკვირს, თუ რათ დღემდე არ იფეთქა ამ კრი-  
ტიკულმა ნიქმა, ზოგი კი ცალყბათ იღრიქება. მა-  
ტრაკვეცადე კი საქმეშია ან კი როგორ არ შესტო-  
პოს, როცა დღეს მშობელ დაბაში ლექტორის სა-  
ხით უნდა გამოვიდეს. პირველათ აქ კითხულობს  
ის ლექციას. აფიშები უკვე გაკრულა, ვებერთელა  
ასოებით დაბეჭდილი, მოვარაყებული, მოყვითლული.

— მაშ, შენ, ჩემო კიკო, რეცენზიას დასწერ...  
ან თუ გინდა მე დაგიწერ და შენ გადასწერე, —  
ჩასწერჩულა ყურში ერთს ახალგაზრდას მატრაკვე-  
ცადემ ლექციის დაწყების წინ და თან შეეხვეწა,  
მიდი ჩუმათ და გამიგე აბა, ბილეთი რამდენი გაი-  
ყიდაო. ორასი მანეთი თუ გინდა ჯიბეში ედოს მა-  
ტრაკვეცადეს, უკვე გაითვალისწინა სად დახარჯოს.

მესთეე დღეა უკვე რაც სამშობლო დაბაში  
მატრაკვეცადემ ლექცია წაიკითხა და რაკი სანდო  
რეცენზენტა არავინ აღმოუჩნდა, თვითონ დასწერა  
რეცენზია და სხვისი სახელით გაგზავნა გაზეთში.

ელის, როდის დაიბეჭდება, რომ ამით სახელ  
გაეთებულმა სხვა ქალაქებსაც ეწვიოს. ყოველ  
წამს იმ გაზეთზე ფიქრობს, რომელშიაც რეცენზია  
უნდა დაიბეჭდოს. ფიქრობს: „წერილი უკვე მიღე-  
ბული ექნება რედაქციას, ალბათ აწყობილიცაა...  
ხვალ აქ იქნება უთუოდ... იფ, რა რეცენზიაა! აღ-  
ბათ სხვა გაზეთებშიც ვადაბეჭდავენ... მაშინ კი გავ-  
სწევ სხვა ქალაქებ შუა“... ელის გულის ფანქა-  
ლით მატრაკვეცადე, ელის...

შხანკლა.

## მთის გაღალგისკან.

(ფანტაზია სურათებით)  
(გაგრძელება.)

მეფე-ყინვა. (მღერის) „მე მეფეთა მეფე მქვია,  
მეფე ყინვა, ყინვა-ცივი,  
მთის წვეროსგან მთა და ბარს რომ  
გადავყურებ, ვით არწივი.  
ბზინავს, ბრწყინავს ჩემი ტახტი  
სხვა და სხვა თვალ-მარგალიტით,  
რომელთაც მე მიზიდავენ  
ქარნი ყოველ კიდის კილით:  
აქ—აღიასი, იქ—ბროლი!..  
იქ—ზურმუხტი!.. იქ—ფირუზი!  
ამ ნაირად შემკულია  
ჩემ საჯდომათ ეგ მთის კუზი.  
არც ერთ მეფეს ქვეყნის პირათ  
არ აქვს ესდენ სამკაული;  
რაც მთათ გულში საუნჯე მაქვს,  
არის ხომ მთლად სასწაული!

ვერც თუ ვინმე ძალით მჯობნის,  
კინდ მოუხმონ ზღვა ხმელთა ლაშქარს,  
მათი ტყვია ყუმბარები  
ვერ აენებენ ამ ჩემს აბჯარს.

არვის ძალოუს ჩემი არე,  
რომ ანაზღაურა გადასთვლოს,  
ჩემთან ბრძოლა მოიგოს და  
ამით თავი ისახელოს.

თვით მძლეოთა მძლე ამირანმა  
ვერ მოიკო ჩემთან ომი,  
და დღეს ჯაჭვით დაბმული მყავს  
ის დევ-გმირი იგი ლომი!  
ჩემს სამეფოს ალაყაფის  
ის კარებთან იტანჯება...  
და უბრალო მომაკვდავი,  
მე რომ მძლიოს ვინ იქნება?!

ჯადო-წყვიდადს ბრძანება აქვს,  
ჩემს ხელ-ქვეითს, ამ ჩემს მსახურს!  
ის სამეფოს საზღვარზე სდგას  
და ადევნებს იმას თვალ ყურს:

მთის მწვერვლისკენ მივალს იგი  
ზნელ მანდილით თვალს აუხვევს,  
და თუ მგზავრი სვლას არ შესწყვეტს,  
ნამდვილ გზიდან გადაუხვევს

კუბრივით შავს მთის წიაღში  
ჯადო ზნელი მას ატარებს,  
ასე სტანჯავს და განაწვავს,  
აფთარ შიმშილს ჩაბარებს.

აფთარ-შიმშილს, მხარზე კომბლით  
და ხელში მჭერს მძიმე ლახტის,  
სამეფოს გზა აბარია.

ერთგულია ჩემი ტახტის.

მის რისხვას ვინ გადურჩება?  
თუგინდ კბილით რკინას სტკვერდეს,  
მაინც იმის მძიმე ლახტ-ქვეშ  
ვინძლო ისიც დაცემტვერდეს.

ასეთია ჩემს სამეფოს წესი  
მკველთ და მოდარაჯეთ,  
და მეც ტახტზე მტკიცედ ვზივარ  
ბრძანებლობის მძლეოთ მძლე საქეთ:

თვალს ვადევნებ არე-მარეს,  
მთისა ბილიკს, მასზე შევალს,  
მთაში ბევრჯერ ვამარჯვებულს  
და აწ ჩემსკენ მხნედ მომავალს.

მას უნდა, რომ ჩემი არე  
გადასთვლოს, გადალახოს...  
არა, გიყი უნდა იყვეს,  
ეს რომ კაცმა განიზრახოს!..

სად იგი და სად ეგ საქმე,  
შეუძლებელ-შეუსრული?  
სჩანს, დიდა მაგ საწყაღში  
„მზის სამეფოს“ სიყვარული!

გრძნობას გულში ჩავუყინავ,  
ვარს წყვილით შემოვბურავ,  
და მის მიერ გაჭრილ ბილიკს,  
ზედვე ცრემლათ დავაწურავ.

და ცრემლი ხომ დავწინების  
და წახდომის ნიშანია!  
აგრე ბევრსაც შევხვედრივარ,  
თავი არ შემეფხანია.

მაშ, მოვიდეს, მომავალი,  
მზათ ვართ იმის სამასპინძლოთ  
ვინძლო მისი „სამსახური“  
შესაკადრი ჩვენ შევიძლოთ!..

მე მეფეთა მეფე მქვია,  
მეფე — ყინვა, ყინვა ცივი  
მთისა ბილიკს მახედ მავალს  
გადავეყრებ ვით არწივი!..

ბუმბერაზი მთის მალალს მწვერვალზე  
ასე მღეროდა ყინვა ზვიადი  
და მის ფერხთა ქვეშ ერთგულ დარაჯათ,  
გადაშლილიყო ღამის წყვილიად.

შორს, მთის ფერღობზე კი... მუშაობდენ:  
იქ მგზავრსა მგზავრი ემატებოდა,  
ბარიდან კაცსა მოსდევდა კაცი  
და მთის წვერისკენ ეშურებოდა.

წერაქვევითა, ლომებით ხელში,  
გაყვანილს ბილიკს აფართოებდენ  
და დაუნგრეველს, გაუსწორებელს  
ერთ გოჯა მიწას აღარ სტოვებდენ.

ტყდებოდა სიბი, ცვივოდენ ქვეები  
უქვო მიწას კი ხდებოდა ბარი,  
და უკან ღამის უკუნეთ ზნელში  
წითლად ელავდა გზა განათხარი.

აღარ უჩანდა კიდე-საზღვარი  
მგზავრთ მკლავთ მიმოხრას და გულთა ძვრას,  
გზას მიიჭრიდენ, წინ მიიწევდენ  
და დასძახოდენ გმირულ სიმღერას:

„დაარტყი ლომი! დაპკარ წერაქვი!..  
გადავასწოროთ გზისა ნაპირი...  
ჩვენ ხომ არ ვიცით, რა არის შიში,  
უკან დახევა და გასაპირი?“

ჩვენ გვაიძლეებს წყეული აწმყო  
ამ ძნელად გზაზე ოფლისა წურვას:  
მომავალ წყებას ვუმზადებთ ღონისსა,  
ჩვენ კი ვატარებთ ჩვენს გულში ურვას.  
გავსჭრით დიად გზას: მათს გადაელახავთ!  
ჩვენ ვერ შეგვაკრთობს შიმშილ-სიცივე,  
დაბრკოლებანი წინაშე ჩვენსა  
ამაო არის სუყოველივე!..

ერთმა დაიწყო... აწ ურიცხვნი ვართ  
და კიდევ უფრო გავათასდებთ,  
ჩვენი მიზანი უქვეო არის:  
წინდაწინ ვაცრთ, არ განგუასდგებთ!

მეფე-სიცივის ტახტს, მთელ სამეფოს  
ჩვენ მივსევით, როგორც კალია!  
ამას გვაქვს ჩვენ-ჩვენი აწმყო  
და გადახდელი მომავალია.

მაშ, მედგრაო! მარჯვეთ! დაპკარ წერაქვი!  
წინ გავიტანოთ ჩვენი ნაბირი...  
ჩვენ მხარი მივსცეთ ერთი მეორეს,  
შუა გავიყოთ ლხინი და ქირი!“

**ხნიერი მგზ.** აი, ხედავ შენ იქ, წინ მოხუცსა?  
მის სახეს შეგნის ხშირი ქალარა,  
ხომ გესმის მანც, გმირულ კილოზე  
როგორ გაჰკივის მისი ნალარა!

**უმაწვილი მგზ.** მოწინავეა?!

**ხნიერი მგ.** ღიახ, ის არის!  
პირველ მთის ბილიც ის შემოუდგა:  
ბევრი წვალემა გამოიარა  
და ღღეს ჰა, შეგბის წამიც დაუდგა!  
გადახალისდა მოხუცის გული,  
გაუორკეცდა მუხლებში ძალა.  
როცა იხილა თავის გარშემო  
მისებრ მავალთა მთელი ამაღა.

ის წინ მიგიძღვის, ჩვენ მას მივყვებით  
ის გზის შეკლევია, ჩვენ-ქი გზის მქრელნი  
ჩვენი იმედი არის ჩვენივე  
ლომა გულები და გამრჯე ხელნი!..

„წინ!.. წინ!“ მოხუცო დასახის ლაშქარს  
და ლაშქარიც წინ მიიწევს ნელა:  
ვერ რა აჩარებს, თუმც გზა ძნელია,  
შომშლილი როკაცს, ცივა და ბნელია..

ჩირალდინებზე ანთებულ ცეცხლის  
გზას უნათებენ იმათ სხივები  
და მთისა აღმართს მხედდ აწვებიან  
გულით ამყანი, ვით არწივები!

ჩუ! იქ წინ ჯაქვმა დაიხიბრიალა...  
ამირანია, ქედს მიჯაქვული!..  
ჯაქვი დაღეწეს და გაუმრთელეს  
გმირს ყვაფ-ყორანისგან ნაძიძგნი გული!

და გმირიც ლაშქარს შემოუერთდა:  
მანც წინ გასწია, უფრო მხედდ სხვებზე,  
ხელში აიღო მძიმე წერაქვი:  
ოფლი წურწურით დასახა ქვებზე..

ასე მიიწევს წინ მგზავრთ ლაშქარი,  
თანაც მრისხანეთ შესძახის მთასა:  
„მთავ, სად არიან შენნი გუმანნი?  
რად არ იღებენ წყელნი ხმასა?!“

ძრწოდეთ: წყვილია, აფთარ-შომშლილი  
და მეფე-ყინავ! აწ ხომ გვიგეთ,  
ბოლო ეღება თქვენს ძლიერებას:  
თქვენი სამეფო უკვე ავიღეთ!..

**ლოწინავე.** „ჰა, მთის მწვერვალიც ჩვენს წინ,  
მომძენო!“

— „ჩამოანგრის!“ დაიფუგუნეს...  
პასუხად ლომა და წერაქვებმა  
ჰაერში მედგრათ დაიზუზუნეს!..

მთისა გადაღმა დილის გარიკრავს  
ზე აღემართა თვისი ალაში  
და მოელვარე სხივების სახით,  
გამარჯვებულებს უძღვნა საღამო.

ოფლით გამურულ მათ სახეებზე  
რიკრავის შუქმა გაითამაშა...  
და აყვინდა ერთხმად ლაშქარი,  
მანაც განთიადს შესძახა: „ვაშა!“

ამ დროს-კი... ყინვა, შომშლილ-წყვილიანი  
მთა-გორათ შორის, ვით ეულები,  
უგზო-უკვლოთა ეხეტებოდნენ  
გულ-მკვდარნი, იმედ დამსხვრეულები.  
გადახვეოდნენ ერთი-მეორეს,  
სტიროდნენ... მგრამ სტიროდნენ მწარეთ!..  
და მთა, მთა ღღემდის ისე ამაცი  
აწ მათ წინაშე იღვა მღუმარეთ!..

**ნ. ზოზლეთელი.**

### შავი სამეფოდან (ზიათურა)

(უმავთულო ტელეგრაფი)

ადგილობრივ სასამართლოს მოსამსახურებმა  
გადასწყვიტეს: ვინაიდან ხალხს უმეტეს ნაწილად  
25—40 ვერსის სიშორიდან უწევთ სამსჯავროში  
სიარული, ამიტომ სხვა და სხვა საჭირო ქალაქე-  
ბის, ან საბუთების მისაღებათ თვე-ნახევრის მაგიე-  
რად აკმარონ სამი კვირის ყოველ დღიური სიარუ-  
ლი ამ გადაწყვეტილებას დიდი სიხარულით მიეგე-  
ბა სასამართლოს სერეტარიც, რისთვისაც უღრმესი  
მადლობის ნიშნად ხალხმა ადრესი მიართვა.

შავი ქვის მრეწველთა საბჭოს დაწესებულება-  
თა ზოგიერთ მოსამსახურებს გადაუწყვეტიათ: მო-  
მავალ სიეზდისთვის ვეკილობები აღარ მოჰკრიბონ  
და არ გადასცენ საბჭოს. ასეთი გულის-წყრომა გა-  
მოუწვევია ჯამაგირის მოუვატებლობას.

კომპანია „მეჩხერის ჯაჭუფი“ დაეძებს გამო-  
ცდილსა და გამოიმასქნილებულ ვეკილს, იმ ფულე-  
ბის ასაკრებათ, რომლებიც დაიხარჯა მეჩხერის  
„სპუსეკის“ საღმრთაწაულო სადილზე. დაპატიე-  
ბულნი იყვენ მარტო უცხოელნი, ხოლო რაც შე-  
ესება ცხოველებს— იგი. არა უცხოელებს, უნდა  
გადაეხადათ ყველას თავ-თავიანთი ხვედრი. როგორც  
სჩანს. ნებით არავინ იხდის. ვეკილოთავის პირობის

გაგება შეიძლება ბურჯანაძის სამიქტროში ვალიკო ბერიძესთან. საქმე სასარგებლო და ხელსაყრელია.

შავი ქვის საბჭოს ინჟენერს ბ. ნ. სპიციკის ახალი „სპუსკის“ პროექტი შეუშუშავებია, რომლის საშვალბითაც ქ. ქუთაისიდან საბჭოს კანტორა პირდაპირ ქიათურაში უნდა გადმოეშვას. როგორც გავიგეთ, საბჭოს ეგ პროექტი ერთ-ხმად მოუწონებია და მისი დეტალურად განხილვა მიუნდვია განსაკუთრებულ სანქარო კომისიისთვის. რომ კომისიამ უფრო დააჩქაროს მისი განხილვა და სისრულეში მოყვანა, ამისათვის კომისიაში მოწვეულნი არიან ბ. ნ. ზდანოვიჩი, თ. დი კიტა აბაშიძე და ბ. ნ. კრინიცი. დანამდვილებით ამბობენ, რომ პროექტი მოსწრებულ და წარდგენილ იქნება უსათუოდ 1921 წლის შავი ქვის მრეწველთა მორიგი კრებისათვისაო.

ადგილობრივმა სახალხო უნივერსიტეტმა ამ ერთ კვრაში გამართა 168 ლექცია სხვა და სხვა მეცნიერულ ტემაზე.

აქაური ბანკის თავმჯდომარეს, თ. დი კიტა აბაშიძის სახელზე შევითხვა მოსულა ინგლისის სხვა და სხვა ბანკებიდან, რომ მოსალოდნელი სამრეწველო კრიზისის გამო შეგვიძლიან თუ არა თქვენს ბანკში კრედიტი ვიქონიოთ და ფინანსიურის მხრივ საქმეების გამოსწორებადვე გაკოტრებიდან თავი დავიფაროთო. ბუზგალტერი და „დირექტორები“ დაეძებენ გაფაცოცებით თავმჯდომარეს პასუხის მისაცემათ, მაგრამ ჯერ ვერსად აღმოუჩენიათ.

ქიათურის შავი ქვის მალაროს მუშები უკვე ორგანიზაციულად მჭიდროთ შეკავშირდენ და ერთ-ხმად გადასწყვიტეს სამუშაო დღე დასწიონ 16 საათამდე.

ხოლო სამუშაო ქირა კი ასწიონ 45—55 კაპეიკამდე ადგილობრივი „პროგრესიული“ ელემენტები მუშების ასეთი ერთსულოვნებით აღტაცებულნი არიან და ბახარზედაც დიდი მითქმა-მოთქმა გამოიწვია. მარგანეცის ფასმა უცებ აიწია 5 1/2-დან 5 კაპეიკამდე... ჩარჩ ბერძნებს გამოკოცხლება ეტყობათ.

კ. წ—ლი.



# წინასწარმეტყველი.

(ოსკარ ყალდისა).

მწუხრია. ის ობლათ არის. შორიდან მოსჩანს ქალაქის თეთრი კედლები. ის მიდის იქით. როს მიუახლოვდა ქალაქის კარებს, მას შემოესმა მოცეკვავეთა მხიარული ყვირილი, უღარდელი კისკისი და მალალი ხმა ქნარისა. კარებს დაურაკუნა—მცველმა გაულო.

დაინახა მარმალილოს სასახლე მშვენიერ თალებიანი. თალები მორთული იყო ყვავილების ხეულებით ეზო და ფანჯრები გაჩირაღდებული იყო ლიბანის ხის ჟინჯილებით.

მან გაიარა მარმალილოს დარბაზი, განვლო კიდევ ერთი მდიდრულათ მორთული დარბაზი და შევიდა სანადიმო საღრეო (საქეიფო) დარბაზში. მუნ იხილა მან ქაბუკი გადასვენებული სავარძელსა შინა, რომელსა ემოსა ძოწეული, თავს უმშვენებდა გვირგვინი წითელი ვარდისა, დაწვი ლეიოდა წითელი ღვინის სმისა გამო.

ის დაიხარა. ქაბუკისკენ, შეეხო მხარსა მისსა და რქვა მას.

— რაისათვის სცხოვრებ ეგრე? ქაბუკმა აღილო თავი, იცნო წინასწარმეტყველი და სიცილით უპასუხა:

— მე კეთროვანი ვიყავი და შენ განმკურნე... განა მე ძალმისს ვიცხოვრო სხვანაირათ...

წინასწარმეტყველმა დაუტევა სახლი იგი და ვიღოდა ქუჩებში

იხილა ქალი, რომლისა სახე იყო შეფერ უმა რულებული, ემოსა მსუბუქი ტანისამოსი, ფეხთსაც მელი მისი იყო ოპრო-მეკრდით ნაკერი, შემკული თვალ მარგალიტით. მას ფეხ-აკრეფით (ვით მონადირე) ეპარებოდა ქაბუკი, რომელსა ესხა ფერადი ქლაშინდი.

სახე დედაკაცისა იყო მომხიბლავი, იყო ნათელი, ვითარცა მარმალილო წარმათთა ლმერთისა, ხოლო თვალები ქაბუკისა იყო აღგზნებული ენებათა ლეღვით.

წინასწარმეტყველი დაეწია ქაბუკს, მოჰკიდა ხელი და უთხრა:

— რაისათვის უჭკვრეტ ცოდვილ დედაკაცს?

— ქაბუკმა მოიხედა, იცნო წინასწარმეტყველი და უპასუხა:

— მე სიყრმით ბრმა ვიყავ, შენ აღმიხილე თვალები, მომეცი ნიქი მხედველობისა, აბა რაღას უნდა ვუჭკირო?...

წინასწარმეტყველი მსწრაფლ განეშორა ქაბუკს, დაეწია დედაკაცსა მას, შეეხო ზიზილ-პიპილოვან მის ტანისამოსს და უჩუჩუღა:

— განა არ ძალგიდს იარო სხვა გზით, დაგმო გზა ცოდვისა?



(გადმოთარგმნა ნიკოლოზ ბერიძემ)

ქართული ინტელიგენცია: ნიკოლოზ ბერიძემ ვაუტორი?! თითქმის ყველა მათგანს რამდენიმე!

დედაკაცმა ყელი მოიღერა—იცნო წინასწარ-მეტყველი და ღიმილით უბასუხა:

—მე შენ შემინდევ ცოდვანი, შეცოდების გზით სიარული კი ძრიელ სასიამოვნოა. წინასწარმეტყველმა დაუტევა ქალაქი.

ქალაქ გარეთ იხილა მჯდომარე ქაბუკი, „მღერელი ცრემლისა ცხარისა“, წინასწარმეტყველი შეეხო მის ხუჭუქ თმას და ტკბილათ ჰკითხა:

— რა არის ეს ცრემლები?

ქაბუკმა აღიღო თავი, იცნო წინასწარმეტყველი და ნაღვლიანათ უბასუხა:

— მე ვიყავ მკვდარი და შენ აღმადგინე მკვდრეთით — როგორ არ ვიტყვო?

ანწლადე.

# ორი სიტყვა.

I

ოჰ, ნუ მაჩვენებ მწუხარე სახეს, მე ცრემლს აღარ გთხოვ, ჩემო სულის დგმავ, გვეყოფა გლოვა... სევდის ღრუბელით ცხოვრების გზასა ნუ დამიჩრდილავ. რომ გულ-შემზარათ მოქუშულია მიდამო არე, ცის კაბადონი

და უტიფარათ თავს დაგვხარხარებს ბნელეთის შვილი ბილწი დრაკონი, რომ უღონოთ სცემს სიკოცხლის მავა ნება-მოკლული, მიღუნებული

და იდეალი ჩვენი მზე-მთვარე ტყვეთა ჰყავთ, ჩვენგან დაშორებული, ევ ნუ შეგაკრობს... დე ვზიდოთ, ვზიდოთ გოლგოთისაკენ წამების ჯვარი,

დე დავცინოდეს, ქვა-ლოდს გვესროდეს სიმართლის მტერი, პილატეს ჯარი, თვით ამ ტანჯვაში ჩვენი იდეა

ჰპოულობს ერთგულთ, ნელ-ნელ მძლავრდება, ადრე თუ გვიან გაარღვევს საფლავს, სიჯოცხლის მნათად ცათ ამაღლდება

მაშ სულის სწორო ჩემ თვალთა წინა გულის აღმტაცათ გაიღვარე და ტკბილ მომავლის იმედის შუქით

გმასხივოსნე სახე მწუხარე. თვით ამ ტანჯვაში გამოჰქარგევი უკვდავი ჰანგი. . მით გამახარე, სიკოცხლე მსტყორცნე... ჩემო სულის დგმავ მძავს შე სიკვდილი... შავი სამარე!

II

ახ, რა კარგია, რა-რიგ წარმტაცი როს კაბადონზე დაცურავს მთვარე! რალაც ნახ, სრულად სულის წარმტყვევნელ ნათელში სტურავს მიდამო-არე.

მთანი მაღალნი ცათ ატყორცნილნი ქალებს ამაყათ გადმოსტყერიან და მათი ჩრდილი, ფართოთ გაშლილნი თითქოს საკუთარ სიკოცხლით თრთიან. სათუთ ბალახებ, ბედით ვაგლახებს მოვლინებითა შევებისა წამი, ზათ ნელი სიო აკვანსა ურწევს, მაღლით ეპკურვის ციური ნამი. ტბა გარინდული, დაობლებული ვიშ რა დიდათ გადაქარგულა! მშვენიერება მთელი ბუნების განგების ხელით შიგ ჩახატულა. ბალში ღეროზე ვარდი ერწევა. მას არ აწუხებს დარდ-კაეშანი, ბუღბული ტრფობით ღზინსა ეძლევა, უსტვენს და უსტვენს გრძნობის მგოსანი. ოჰ ამ დროს!.. ვაჰმე! რად ვარ ობოლი? როს ცაც-კი ღზინობს მე რად ვიტყვო? არა!.. მო ჩემთან ჩემო სულის დგმავ, შენი მგოსანი აღარ გამწირო. მეც შენ გიმღერებ ვითა ბუღბული, შენზე უზომოთ შეყვარებული... დაე იკოდენ.. ბრაზით დაიღრჩვეს, ჩვენი ღუშმანი, ჩვენი ორგული!..

ნ. ჩხიკვაძე.

# ბ ა თ უ მ ი დ ა ნ .

ამხანაგო ეშმაკ! არ ვიციოდი თუ თქვენი ბათუმელი აგენტების მახვილ გონებას და გამპკრიან თვლებს ისეთი დიადი მოვლენა გამოეპარებოდა, როგორც არის ბათუმის „შევგნებული“ ნაწილისაგან „კომმერჩესკოე სობრანიე“-ს დაარსება.

ეს „სიმპატიური“ დაწესებულება ერთი წელი არც კია, რაც დაარსდა და ამ დროის განმავლობაში საკმაო ნაყოფი გამოიღო; ყოველ კვირა-უქმ ღამეობით ამ დაწესებულებას აუარებელი ხალხი აწყდება: *для выбора царицы бала*. მიზანი ამ დაწესებულებისა რთულია და მრავალ-აზროვანი; წესდება მოკლე და საყურადღებო. აქ მოკლეთ მომყავს წესდების რამოდენიმე მუხლი, დანარჩენ ახსნა-განმარტებას ამ „სობრონიე“-ს შესახებ ვრცელი მოხსენებით წარმოგიდგენ.

მუხლი ა) არ შეიყოფა მაქსიმუმამდე.

(შენიშვნა: რადგან ქალთა უფლება არც ერთ კულტურულ ქვეყანაში, და მით უმეტეს რუსეთში, არ არის გათანასწორებული კაცთა უფლებასთან და ისინი დაჩაგრულთა კლასს წარმოადგენენ, ამისათვის საჭიროა მათი გართობა და „სულიერათ ამაღლება“. ამ მიზნის განსახორციელებლათ თითოეული წევრი იხთის „სობრანიე“-ში შესვლის ქირას ეროს.

მანეთს, , დამების“ საკომპლიმენტო თითო მო-  
ზრდილ კოლოფ ,,ირისის“ ან ,,კისკისის“ ფირმის  
კომფეტს; . шарницы бала -ს ასარჩევად თითოეული  
წვერი ვალდებულია იყიდოს ,,კონტრამარკა“ (\*),  
ხოლო კონტრამარკის რაოდენობის განსაზღვრა და-  
მოკიდებულია სქელ ჯიბეზე.

ბ) შემსვლელს ნება არ აქვს დილის ოთხ საა-  
თამდე წავიდეს. (შენიშვნა: ეს იმიტომ, რომ ,,და-  
მებმა“ ,,სკუჩხნათ“ არ იგარძნონ თავი).

გ) შემსვლელს არ აქვს უფლება უარჩყოს ბა-  
ხუსი, კარტი, ნარდი და ლოტო. (შენიშვნა: ეს  
მუხლი უფრო იმათ ეხება, ვისაც თავისი ,,დამა“  
არ ჰყავს, თუ სხვა მისი თანამაზრენი ,,დამებით“  
ერთობიან, ისინი კარტ ნარდი-ლოტოთი უნდა გა-  
ერთონ).

დ) გახსნან განყოფილებები: ,,გოროდოკში“,  
,,სოუქ სუზე“ და სხვა მახლობელ უბნებში;

ე) გადაათვლიერონ და შეამოსონ არსებული  
წესდება ,,სობრანიისა“; რისთვისაც არჩეულ იქმნა  
კომისია ხუთი პირისაგან. შემდეგი იქნება.

„ნავთი“.

\*) წესათ არის შემოღებული: სალამოს გამგეთ მამაკა-  
ცები ირჩევენ ქალებს. არჩევნების ხმის მისაცემად საჭიროა  
კონტრამარკის შექმნა, რი მელიც იქვე იყიდება თითოეული  
კონტრამარკა ათ შაურათ; ასახელებენ რამოდენიმე კანდერ  
დატკებს, ყიდულობენ კონტრამარკებს და სთავაზობენ დასა-  
ხლებულ პირებს, ბოლოს სთვლიან და ვისაც მეტი აღმოა-  
ჩნდება, არჩეულიც ის არის. ხშირად კონფლიქტაც მოსდის  
არჩევნებზე.

**წერილი რედაქციის მიმართ.**

პ. რედაქტორო!

უმორჩილესად გთხოვთ ადგილი დაუთმოთ ამ მცირე  
წერილს, თქვენს პატრუცემულ ჟურნალში ,,მათრახ-სალამე-  
რი“-ს მე-21-თე №-ში მოთავსებულია ბ.ბ. ივლიანე ნინიძის  
და იოსებ მარგველაშვილის წერილი, სადაც მათ უცოდველ  
მტრედათ გამოჰყავთ თეიანთი თავი და მე-კი, ლამის არის  
ავაზაკის სახელით მომნათლან. (მახლას!) ყველამ იცის, რომ  
დღევანდელ პირობებში მეტად ძნელი და სიხიფათოა კორეს-  
პონდენტების მდგომარეობა; ყველამ იცის, რომ ვითომდა  
შეურაცყოფილთ მეტად აინტერესებს კორესპონდენტის ვინა-  
ობის გაგება, ვინემ სიმართლის აღდგენა და ამ შემთხვევაშიც  
ბ.ბ. ივლიანეს და იოსების მიზანიც ეს არი; თორემ დარწ-  
მუნეზბლი ვარ ასეთ ბაქი-ბუქს არ დაიწყებდენ.

მე დიდის სიამოვნებით ვეთანხმები მათ წინადადებას,  
სამედიატორო სასამართლოზე. — ჩემის მხრიდან ვასახელებ  
ი. მშ—ძეს, ხოლო რადან მე დრო და გარემოება ნებას არ  
მძლევს საქმის გარჩევას დავსწრა, ჩემ მაგიერ დავსწრება  
ი. მ—ძე, რომელსაც ეგზავნება ყოველივე მასალა ამ საქმის  
შესახებო.

ხოლო მოსალოდნელი ხიფათის თავიდან ასაშორებლათ  
მე მოვითხოვ მათგან ჩემი მედიატორის დარწმუნებულის  
სოულს უზრუნველყოფას.

პატივისცემით „გარეშე“

**იყიდება „შრომის“ სტამბაში**

და აგრეთვე გავესაზნებათ მსურველთ:

1909 წლის „ალმანახები“ 7 ნომერი  
და „მათრახი და სალამური“ 29 ნომერი  
ერთად შეკრული . . . . . 2—50 კ.

დაიბეჭდა და გამოვიდა გასასყიდათ

კ. პ. კ ა ნ დ ე ლ ა კ ი ს ა

**კოოპერაცია**

თეორია, ისტორია და პრაქტიკა

წიგნის გამოწერა შეიძლება მხოლოდ ნაღ-  
ფულზე შემდეგის აღრესით: *Тифлисе, Типография  
Шрома В. К. Бомжадзе.*

ვინც არა ნაკლებ 50 ცალისა გამოიწერს, და-  
ეთმობა 25%.

ვისაც სურს პროვინციებიდან თითო ცალი  
გაიწეროს, შეუძლია გამოგზავნოს შედი შაურის  
მარკები და ამ ფაშსი მიიღებს თავის აღრესზე.



ამ ეტიკეტით იყიდება ჩვენი ღვინო ყველა ს-  
ბაკალიერო მაღაზიებში, სასმელების დუქანში,  
ტრაქტირებში და სასტუმროებში.

10 ბოთლს ზევით უგზავნით ვუმთავრესი საწყ-  
ბიდან ჩვენი ხარჯით მხოლოდ თფილისში

По такому этикету продается наше вино  
во всех бакалейных магазинах и пи-  
тейных заведениях.



Свыше 10 бут. доставляется нашим пош-  
водомъ в Тифлисе.

უმთავრეს საწყობიდან ღვინო დაეთმობათ შე-  
დგ ფასებში:

- № 1 " — 20 კ. 16 " — 3 p.
- № 2 " — 25 კ. 16 " — 3 p. 60 k.
- № 3 " — 85 კ. 16 " — 5 p. 10 k.
- № 4 " — 50 კ. 16 " — 7 p.

Адресъ: Тифлисе, мухранская ул. .д № 81  
Михамлу Николаевичу Кодалову. 0—4

ახელომწიფთა ღაშთის ქუნჭიო ქახანგენძლათა შიქალ.



მეძი, ავთამყოფს მუდროგმა და კარგი სა-  
ველი მიუხდება!



მყვილათ დახობეს! ახლა ფრთებია სავალი,  
ფრთები!